

李長卿集

二卷

七言律

五言排律


五言絕

六言絕

七言絕

三卷

壽序



李長卿集卷之二



豫章李鼎著

門人建武梅慶生校

七言律詩

送冑伯麟之來州

倦客歸來靜掩關
那堪衰柳爲君攀
劍端寒色侵杯滿
衣上風塵犯雪殷
欹枕濤聲生五夜
看雲帆影落三山
知君故有東封疏
好及明時覲帝顏

別王元抑大兄

江臯風雨滯孤征十載離懷此夕傾歷盡寒暄從
世態却於生歿見交情攜來秋卷文爲戲攻破春
愁酒是兵暫別定知頻握手好留月席聽潮生

登望湖亭

亭上湖光一望平望中秋色動離情千帆冉冉依
天盡萬木蕭蕭作雨聲幔捲烟雲山隱見地分吳
楚勢縱橫乾坤一劍疎狂客醉倚危欄待月生

遊金山寺憇閔居士精廬

香閣高盤聳澤心江光漂渺辨遙岑濤聲夜湧山

浮玉日影晴搖地布金幽砌黃花含霧淺荒亭紺
葉染霜深祇園結宇逢高士刻竹聊爲白社吟

偕諸子雨後望西山得霞字

燕臺雨過晚風斜林彩峰輝入望賒萬朵芙蓉侵
碧漢幾叢松檜隱丹霞日臨鷺嶺金爲界河遶龍
城玉是沙高會只應浮大白虛疑崑閬長三花

綴牡丹

名園黃紫豔奇葩誰似僊人萼綠華舞罷輕衫飄
集翠妝成淺黛映堆鴉臙脂山下移新寵金谷樓

前是舊家願借春光駐顏色濃陰莫遣等閒遮

同胡元瑞孝廉集陳孟常太史署中

長安春盡轉初鶯太史邀賓傍晚晴十載畏途重
作客千秋詞苑舊知名簪花莫惜侵毛短授簡爭
看照乘明歸去放歌陶月色古來燕市有荆卿

結霞閣爲葉循甫賦

疊石爲臺結構雄三層飛閣上摩空雲霞歷亂千
峰裏烟雨蒼茫萬井中杯泛乍疑僊掌動香浮遙
覺帝閣通携來多少驚人句徙倚長歌向晚風

遊玉女潭

玉女澄潭曉鏡開探幽蠟屐破深苔峯頭玉女歸
天去潭底神龍作雨回蘿引晴光穿曲竇樹搖空
翠入深杯萬緣此際都消盡燕坐無言證本來

送楊從吾鴻臚北上

爲續前揚奏綵毫春明畫舸繫江臯鷓行暫覺星
辰近虎拜還依日月高萬國景從通禹貢九重臚
唱自僊曹上林記取南枝勝會見他年起鳳毛

觀許叅知小像

代作

長明集卷二
憶昔追趨奉以紫宸只今畫裏見精神雲衣楚楚
朱顏麗野袷翩翩白髮新結社幾人飛素翰攜樽
竟日藉華茵春風玉樹階除秀自領烟霞學采真
登虎林紫陽菴石壁

丹梯紫洞迥塵凡共道僊人秘石函萬朶芙蓉原
並蒂一天星斗各窺巖青霞片片依江閣白日暉
暉落海帆勝地淹留歸去晚不知迸水濕衣衫

紫陽菴瞻僊人丁野雀遺蛻

石洞雲深萬木青獨因懷古上孤亭一朝化去真

成雀千載歸來復姓丁委蛻人間仍兀兀高蹤天
外已溟溟振衣絕壁徘徊久清唳遙聞下夕汀

懷謝曰可比部社吏

雪後寒光鑒薄帷美人千里謝玄暉裁詩頓覺陽
春少顧曲翻憐子夜稀望自西曹持法重身從北
闕上書歸何時載酒澄江月攜手天門一振衣

訪朱君采侍御山莊

鞅掌東南雪滿天興來忽泛子猷船堦前舞鶴知
迎客柱下猶龍本是僊遶郭送青山錯落當軒浮

白水淪連垂綸未許耽幽趣蚤晚鳴珂向日邊

癸卯冬日過吳興與朱君采侍御屈指一時

父子登朝者六人而天倫全盛物望共推則

沈叔永參知年丈一人而已漫成一律紀之

幾家濟美耀簪裾全盛惟君慶澤餘天上封章司

北斗閩中文物指南車

尊公方掌銀臺叔永先任

閩中督學

羽毛楚楚爭鳴鳳琴瑟雝雝寵貫魚共

道絲綸歸世掌可分春色到衡廬

咏梅

霏霏晴雪舞寒空簷際梅花訝許同忻賞雙清來

几席獨憐孤韻隱房櫳朱英半拂桃溪水綠萼先

槌柳岸風欲寫丰神誰得似數聲羌笛月明中

又咏梅兼懷俞羨長

斗帳生寒月未歸梅花入夢澹清暉波含疎影分

嬌面雪借輕香散舞衣坐久瑤臺環珮濕望來隴

首信音稀企予一水人千里高臥孤山正掩扉

元旦

寶鷄初唱九天開勝會韶年去復來藹藹雲霞駮

日御熙熙人物上春臺五辛競薦青絲美六甲重
逢白髮催不盡蒲城簫鼓沸且從年少踏歌回
送友人歸廣陵兼呈諸丈

幾年臨鏡惜朱顏此日西湖鍵一關有酒詎妨賒
皓月無錢寧用買青山掉頭覆鹿真成夢握手歸
鴻不可攀爲寄廣陵知己道八行書已謝人寰

贈楊秘書北上

僊姿奕奕秘書郎畫舫清秋指帝鄉綵服定依宮
樹綠桂花遙接御爐香鳴琚紫殿齊鵷鷺染翰彤

池集鳳凰繡陌聯鑣歸未晚不妨基酒日相將

荅贈袁了凡先生二首

有序

不佞歲戊子叨與北闈榜末袁坤儀先生
寔在簾內蓋門墻之猶子也積悃有年無
媒晉謁頃先生移席廣陵乃得一瞻道範
先生惠以佳什中有御李之句小子曷敢
當焉爰託素毫用伸踴躍兼以就正云爾

瑀蟲繡虎若雲屯總屬先生不二門道眼千秋懸
日月文心一代重乾坤推袁久逐時流後御李何

長卿集卷二
當長者言竟日淹留承馨歎驚看白雪浪中翻

其二

廣陵濤色動清秋野衲追趨杖屨遊愧我讀書非
牛豹看君迎刃解全牛東籬松菊餘高枕北府豨
豨待運籌寄語赤松天上客丹成還擬共留侯

贈張繼東將軍赴李中丞檄召

中丞節鉞駐淮陽德網彌天四面張羨汝承家盟
帶礪乘時挾策獻圭璋清樽曲讌三秋月長戟橫
飛午夜霜聞道羽書傳漢水好抒雄畧奮鷹揚

集顧所建小侯浮黎館送茅孝若北上分得

真字

天外浮黎足采真樽開別館夜招賓盟尋竹下千
秋勝歌學桃根四座春莫惜征驂分去住且拚文
酒聚星辰邗溝處處烟光煖出郭追隨未厭頻

歙邑泮池忽產重臺蓮七朶賦贈方明府

泮水泓澄產澤芝漢廷循令事多奇光分北斗垂
天際人似西園授簡時九品虛疑開淨域六郎未
許競芳姿會看朝日舒飛蓋無數玄珠起玉池

送袁貞虛別駕年丈擢鞏昌郡丞

棠陰幾載覆江鄉又見題輿入鞏昌邊郡由來資
計畫漢庭原自重循良遙憐秦樹含烟雨未許胡
塵點鷓鴣屈指趨朝桑梓近黃金臺畔有輝光

送程幼輿北上

姓字翩翩重五湖又看拂劍指皇都詩情懷古
人千載俠骨臨風酒一壺丞相府中朝飲馬將軍
座上夜呼盧燕臺况復收奇俊奏賦誰先子大夫
五言排律

常武篇

有序

大中丞常老公祖遣使西征大捷大宗伯
王公爲常武篇五十韻以紀盛美輒效原
體數亦如之非敢續貂用伸燕賀云爾

隼旟雄澤國虎畧應文昌禮樂敦堯典經綸黼舜
裳題輿三網釋執憲五刑祥白簡歸時彥黃扉重
夕郎一朝承節瑞千里奠懷襄飛輓春風纜蒙衝
曉漲艦貳卿聲藉藉九列佩鏘鏘北極分專闡南
溟肅武行萑苻潛嘯聚州郡問農桑秣馬車徒壯

椎牛士氣揚吳歛喧里巷越吹蒲滄浪左顧方安
枕西陲忽跳梁揭竿初鳥聚樹黨漸鴟張爝火逾
時熾堅冰積日強兵摧朝氣銳將隕夜星芒險據
賓爲主機危城復隍衣冠沉陸海玉石燬崑岡狐
兔思營窟鯨鯢勢剥床候人馳羽騎太史奏攬槍
按劍臨宣室宵衣御迭皇三千陳虎賁十萬赴牙
璋旌旆搖函谷戈矛指朔方魚麗屯細柳鵝翼下
長楊仗義聲無赦宏仁愛重傷師中仍左次河上
且迴翔裨將頻增竈司農遠饋糧坐看瓶欲罄忍

使齒俱亾幕府籌應定同舟救未遑先虛屯廣武
後實擁錢塘秘典抽黃石奇謀出錦囊丈人知以
律君子詎能當落日交河暗陰風隴樹黃直須排
霧上寧用艾蘭防釜底揚耆鮒車前怒臂螳短兵
殲穴鼠長矢射天狼瘡卒呼難起前徒走且僵狡
焉今授首蠹爾已批吭棄甲山同積歸俘谷可量
捷書飛遠道鐃吹引高倡黔首沾時雨黃圖拓故
疆功成班定遠名振郭汾陽殊錫來章甫元勳紀
太常麒麟恒在望帶礪永無忘王路英風藹康衢

長卿集卷二
五言排律
化日長萬方紛玉帛九域盡梯航奕奕尚書省煌
煌大雅章鳳詞敷玉藻燕賀集華堂草樹分榮秀
山川借寵光簡編新著作桃李舊門墻願以巴人
奏台堦一進觴

遊淨慈寺寰中天室用王太宗伯戴大司成

聯句原韻

選勝歷寰中啟秘窺天室翠壁聳巒岈丹梯盤壘
鬱虛谷貯煙霞幽鍵滄蓬葦秦塞背阻三周行面
開一圓通息萬緣方廣容雙膝靄靄覆慈雲暉暉

舒慧日空含世界千望入象緯七縈薄綠苔生參
差紫檢茁行雲起玉龍戢羽藏玄馭鳴佩儼洞天
燃黎分大乙五丁邈已往二酉居然出幽澗雜鍾
絃寒花應鄒律猿啼晝昏昏蛩語夜唧唧流景驚
隙光世情等崖蜜達人明出處正藏探顯密苟遂
汗漫遊寧須婚嫁畢

愁霖

涼襲驚秋度愁霖灑夜桐居疑金障國夢斷白頭
翁洞口飛藏燕沙頭阻去鴻陽侯看浩浩少女正

長卿集卷一
五言排律
蓬蓬一徑車徒絕
千家杼軸空
洗兵寧有兆
煉石愧難工
閬寂篝燈坐
三更聽不窮

栩栩園排律二十六韻爲尹中丞賦

赫赫瞻師尹
桓桓頌武侯
八埏開保障
七澤重靈修
世業承家美
公才活國優
朔方胡騎遠
日觀海鯨收
聖主憐吳越
中丞借撫柔
氛稜消几席
禾黍滿甌窶
化雨陳詩禮
祥風解僕謳
英聲崇紫閣
雅韻託青丘
結宇尋殊勝
披蓁選上游
氣蒸霞燁燁
波靜水悠悠
曲館含雲夢
連甍接斗牛
朱華舒

楚蕙瓊實迸
安榴擢秀芙蓉沼
舉芳杜若洲
綠槐陰覆午
黃菊采宜秋
邈矣堯衢古
居然蔣徑幽
江山供遠睇
圖史足冥搜
法寶三千軸
丹梯十二樓
摛文驅左馬
作賦掩曹劉
適趣菰蘆長
忘機鷗鷺遊
尊壘紛若出
車轄幾經投
栩栩渾疑蝶
遽遽本是周
獨醒原不混
大覺更何求
密勿資調鼎
中樞待運籌
會須開後命
詎許釋先憂
勒石旌雄畧
分茅荅壯猷
功成身可乞
拂袖五湖舟

送茅孝若應制北上

薊北秋期近淮南春草芳鶯花迎遠道鷄黍佐離觴調以從先合交因茹澹長譚鋒雄武庫筆陣肅詞場燕語留歡切驪歌促去忙五雲看冉冉一水汎湯湯歷塊知龍友巢阿待羽王三茅仍籍甚次第步巖廊

元夕偕諸君集曹能始計部衙齋咏夾紗燈屏分得銀字

帝里逢元夕張燈闔剪銀重施七步障先發四時春巧舌簾前捲吟眸霧裡真月枝橫楚楚風葉靜

綦綦不受飛蛾撲翻疑孔雀馴詩成增爛熳入幕盡佳賓

五言絕句

賦得月泉贈楚僧

雲盡天無色江流月有聲山僧鳴鐸罷獨杖一藜行

詠顧警韋直指屋裏月池

池寫初弦月簷通一線天飄風任終日定水只依然

讀易四首

二氣行六虛乾坤寂無事堯舜垂衣裳萬方莫不治

其二

復姤陰陽始乃在伏臘前達人觀物化赤手握先天

其三

乾道純粹精坤德直方大迭用不失時四運無非泰

天淵其四

坎離運天經萬古浩無際本來不相射終之以未濟

六言絕句

田家樂七首

野老商風較雨家僮種月鋤雲茅屋數間粗穩村醪一盞微醺

其二

何處桃花洞口村南村北人家不識雲中鷄犬但

知雨後桑麻

其三

風細犢眠芳草波平鷺浴晴沙處處夫耕婦饁月
明携幼還家

其四

架上殘書不理床頭濁酒慵斟草徑荒苔寂寂竹
牕午夢沉沉

其五

天際孤雲獨鶴階前紅樹青蘋千水千山入戶一

鷄一黍留賓

其六

松下長風謾謾澗中白石磷磷黃鳥好音惠我游
魚樂意親人

其七

石洞烟霞舊主雲溪鷗鷺新盟不問眼前世事寧
知身後虛名

七言絕句

登廣陵梅花嶺

嶺上梅花消客愁更於何地覓迷樓可憐一夜西
風起吹徧揚州作柳州

西湖月夜

西湖橋上月明多夜息經聲發浩歌衣薄不知風
露冷坐看鶴夢穩南柯

銅雀妓

芳心一夜逐香分歌舞年年送夕曛西陵風雨千
行淚誰識思君與恨君

花燭詞二首爲顧所建賦

五侯四姓屬君家得婦今看勝麗華最是多情天
上月也隨銀燭照窗紗

其二

無端幽意集春山蘭醕香生暈玉顏何待解襦邀
暮雨行雲先已拂輕鬟

宛溪秋夜

蒹葭月冷淨無烟水面浮光接素天把酒醉歌供
奉曲乘風直到敬亭前

遣妾

身似司空遣妾年爲貪明月伴孤眠不堪簪珥都
消盡持贈惟餘法座蓮

讀阿鳳傳有感

少婦臨牕弄墨花風塵搖落倍堪嗟踟躕無計歸
僊客轉憶當年古押衙

送義公之伏牛山

春入邗江破柳顏杖藜又上伏牛山虛空不爲關
河隔一任孤雲自往還

王息父所驩趙紅兒故施氏女也席間爲蔡

郎所奪走筆戲之

浣沙溪畔失西施飛入昭陽第一枝唱徹春風迷
下蔡王孫惆悵欲何之

虎丘

闔閭葬此丘世說云秦皇鑿山求劍有白
虎出而拒之故名

魚腸已被白雲封臥虎無勞拒祖龍何似孤亭最
高處尊前萬朵列芙蓉

鐘居

長卿集卷二
七言絕
小築丹崖接太清家藏寶錄自彭鏹夜深露冷仙
壇靜風送遼天鶴數聲

關山月

萬里從戎戍朔方羽書又遣赴遼陽誰將少頰粧
臺鏡移照征人兩鬢霜

芭蕉

滿院濃陰拂檻過夜深疎雨送情多分明正帛堪
裁剪何事當年紉薜蘿

愛妾換馬

玉貌霜蹄世所稀桃花流水映春暉呼來百萬尋
常事笑擁紅粧蹀躞歸

友人出燕姬墮馬詩索和走筆應之

馬上花枝百媚攢風前飄瞥萬人看微波托意應
無限欲倩郎扶上玉鞍

陸使君携酒山莊雙鬟隔簾奏曲音調殊絕
走筆賦謝二首

別館春深萬樹穠雙雙金蒂有芙蓉隔簾遙聽梁
塵落疑在瑤臺十二峯

其二

新裁紅袖奪明霞况是佳期欲破瓜可語東君須
密護莫教妬殺石榴花

梅泉

幾樹梅花石澗幽乳泉初迸落英浮天風一軟飄
飄起飛入瑤臺十二樓

山居

飛來峯下竹千竿中有精廬幾許寬好事主人容
借住青丘丹壑待盤桓

初入山中得黃色小芝一本董集虛洗生命
予詠之

燁燁靈芝長洞天色如蒸栗小如錢卿雲一朵先
呈瑞化作金光滿大千

南齋

蕭齋十笏殿南廊竹色梧陰白晝涼除却玄雲兼
晦朔更無清夜不蟾光

石泉

小池荒甃石橋濱細脉涓涓瀉燭銀杖策挂瓢淘

洗後一泓清絕瑩心神
憑誰巧緝海南櫻
跌坐荒齋永夜通
愛汝縱橫千萬縷
總歸和氣一團中

雨夜
電捲玄雲雨若傾
風霆怒吼萬靈驚
懸知此際遼天外
銀漢無波月轉明

產芝故處復得二芝賦
呈董俞二道丈
一株秀色自堪餐
三秀亭亭遶曲欄
可是堯厨分

野衲玄池還有玉漿寒
雨竹
淨浣春衫翠欲浮
粉香含暈轉風流
水龍吟徹清如許
欹枕三更聽未休

風竹
渭川寒玉迥無塵
風裏瀟疎野趣真
籥翟續紛將萬舞
何妨應接損精神

露竹
密葉繁枝下翠幃
紫烟消盡晚風微
寒生玉露枝

密葉繁枝下翠幃
紫烟消盡晚風微
寒生玉露枝

密葉繁枝下翠幃
紫烟消盡晚風微
寒生玉露枝

密葉繁枝下翠幃
紫烟消盡晚風微
寒生玉露枝

密葉繁枝下翠幃
紫烟消盡晚風微
寒生玉露枝

枝滴濕盡星壇道士衣
簷前萬綠隱朝暎
簾捲光風帶雨痕
影落席間何所似
披沙金屑浪中翻
瀟瀟和理致
真箇蕭蕭餘餘味
晴竹

南山轟轟負時名
斜掛床頭月在庚
不信副腸摧折盡
只因欲待楮先生
竹鈎

董奉仙遊去不歸
玉壇風冷杏花稀
懸壺忽轉人贈董集虛先生

間世萬樹春風盡
着緋紙帳

綸紙翻將作董帷
盡捐文字息初機
道人獨坐三更後
何處春生薜荔衣
苦菜

不種東陵五色瓜
青青苦菜冒汗邪
摘來和露真堪煮
剩有餘甘沁齒牙
風烈交不驚
回對平野常

贈張壯士三首

誰識高陽飲博徒
半生踪跡滯江湖
雄心一片消

難盡夜夜篝燈拭湛盧
其五 出十三首
太平諸將總儒生
萬里風煙夜不驚
但使呼韓常款塞
終軍何必請長纓

其三

九重一夜夢非熊
猿臂紛紛入彀中
阿個陰山橫一劍
胡奴殲盡不言功

賦得竹居二首壽許太公八十

南山分得萬年枝
移向高齋玉露滋
更喜天書傳

鳳唼雅宜林下泛金卮

其二

寒玉籠烟檻外飄
碧虛清夜奏蕭韶
班衣龍種階前秀
自領春風拂九霄

贈盧生

俠氣翩翩入帝鄉
姓名不借少年場
懸壺且學長房隱
閉戶挑燈寫藥方

外京臨臨人帝祿故各不計少平賦謝壺且學是

顛盪主

前香自惠春風赫小霄

寒王蕭因謝校風雲盪青文奏蕭隨班天晴軒閣

其二

鳳刺蘇宜林下受金風

李長卿集卷之三

豫章李鼎著

門人江都游揚校

壽序

瑞芝篇賀張相國七十

洪都祖大庾宗華蓋瞻焉南顧滙十川之流浸爲
彭蠡而達於江則龍沙宸之洪崖障之五老諸峰
環立而衛之古稱神仙窟宅是已明興二百餘年
文章勛業之盛爛然甲于天下然未有爰立作相

者有之自我洪陽張相國始相國文章勛業之盛遠軼前代至其心最苦而功最烈者則無隄定儲位存屬國兩大事云然用是兩大事中宵人之口奉身歸矣相國既歸豫章絕口不及時事久之儲位以定屬國以存卒食相國苦心之報卽鄉者宵人無能出一語以揜其最烈之功萬曆癸卯正月相國當杖于國先期海內諸名公暨都人士薦筐篚奉壺榼肩摩趾錯于道相國亦出中厨徧觴諸客蓋油油然樂也夏四月小子鼎至自遠遊則

籀冠鹿裘踵門而請于謁者謁者曰若後期者何也對曰先期者先天者也後期者後天者也先天而生後天而老後至不亦可乎在易出乎震而成言乎艮震東方也於內爲青宮於荒服爲朝鮮相國定儲位存屬國出震之功偉矣卓矣繇今而往則成言乎艮也艮象爲山歷億萬斯年而不騫不崩則後天而老之說也後至不亦可乎謁者曰似矣若胡以稱相國壽也對曰小子家在散原之麓惠徼洪崖君靈貺當相國爰立時會呈一芝

一本九莖而九葉邑人獻之相國先圖將命相國
曰九乾數也其應在 天子萬曆吾不足以當之
題其冊曰鴻寶而歸之今呈一芝一本六莖而六
葉夫六爲坤數三山五嶽坤所載焉含弘光大德
合無疆持此足以壽相國矣謁者曰諾導以入拜
相國於堂下申致洪崖君靈貺相國曰芝足餐矣
其可繼乎小子鼎曰洪崖君且有後命台膺帝寶
籙永奠洪崖之陽上古時指崖爲氏未著姓也於
唐指張星以繫統著姓矣未策勛也于今易崖以

陽著姓策勛矣台將反予初服龍沙高于雉堞是
其讖也惟是 明天子方恭修玄嘿就相國順下
風而問道相國一言迪之則軒轅氏之治也遲百
年候我於鸞崗鶴嶺之間合兩身爲一如釋尊闡
法華時事將命五童子羞玉芝麻姑釀金液子晉
蕭史迭奏笙簫五老人騎白鹿冉冉而至浮丘公
來燕來宗其爲樂也何極哉小子鼎請執簡以紀
勝事相國曰善我姑酌彼金壘以俟異日

壽御史大夫松屏謝翁序

代作

長明集卷三
御史大夫謝翁家食于楚者幾一紀部使者薦剡
凡五上 聖天子將治安車蒲輪修袒割憲乞之
儀有日矣翁伯子上林君詣余請曰承祚以家大
人之蔭守今官家大人春秋七十有四高矣承祚
不獲奉一觴以稱萬年壽于階下子職之謂何余
曰子楚產也鍾臺鄂渚故饒鮮肥子曷修而薦之
上林君曰國土之毛晨夕之常膳也敢進此余曰
子官上林者也蒼梧西極之間丹水紫淵之產盡
珍錯也子曷修而薦之上林君曰此縣官所以供

郊廟而備燕享者也小子兢兢守官懼罪戾也其
何敢余曰賦稱子虛上林文彩之巨麗者也子曷
問諸司馬而乞一言以祝乎上林君曰相如論說
高奢過實且非義理所尚家大人質行君子也知
家大人莫如子大夫願乞一言以祝余惟今之善
宦者居恒仰屋而嘆曰吾生獨不得與柄相者同
里哉卽不得同里庶宦于其里而通筐篚于其舍
人子亦遇合之一機乎迺翁之郎署而出守臨江
郡也則宦于分宜氏之里及再出而自藩臬長貳

以開府于浙也則里人江陵氏方秉國鈞翁在臨江則臨江治且以擒流寇渠魁功受白鏹金幣上賞然而五年不調者失分宜氏之心也逮分宜氏敗而後有兵備于浙之命在浙則浙治且以平海寇功晉服俸晉司徒晉御史大夫然而不免人言者失江陵氏之心也逮江陵氏與言者俱敗而後有今部使者之薦剡五上夫翁能聽其適然之數生且宦于兩柄相之里而不能破觚爲圓以徼乎兩柄相之合兩柄相能遲回萋菲于翁之宦轍而

不能揜翁治行膚功于所治造物者不能使翁不取忌于兩柄相之時而能假翁之年以有待乎聖天子安車蒲輪袒割憲乞之典子虛上林之亂曰天子將登明堂坐清廟恣羣臣奏得失四海之內靡不受獲不佞將誦之以爲翁壽上林君曰唯唯歸以語同官楊君君率其屬吏若干人籍余言而走一介行李以薦于翁翁喜而進觴

壽姑孰守鄧公五十序

代作

姑孰據白門上游爲高皇帝龍飛首善之區直

指使奉璽書察六郡吏治寔建節焉蓋若古扶風也秉銓者每慎選而後畀之存宇鄧公旣以郡司馬高等典刺茲郡越三年政化大洽會治兵使者虛無人公又以治郡高等攝而理之擁雙旌駕五馬朝憲府夕黃堂六郡守相而下日具程書而待命者又暮年而溢矣頃當計吏 聖天子特詔公任鉅且劇無勤於行尤異數也公于是乎始艾六郡守相而下薦玉帛而稱君子萬年者無虛日公戒封人無內諸境闔郡青衿者爲泚心絕頰黃髮

者爲麥丘之禱公戒闔人無內諸門邑大夫外亦於令之無敢越衷迫於情之不容已則走使而諸不佞曰六郡之不得達猶可諉者曰疎土氓之不得達猶可諉者曰遠屬邑在公宇下猶子舍也雖不獲命將擷天門之毛酌大江之水稱萬年觴於堂下知公者莫如子願微惠一言先焉余謂姑孰之爲郡也在州牧與四岳之間憲使之爲職也在四岳與連帥之間公丞郡時攝守者什三已而丞與守並治守郡時攝兵憲者什三已而守與兵

憲並治意公必有非常可喜之狀塗人耳目以獵
茲聲稱乃公修潔而鎮靜博大而深沉寬下吏以
文網而徐責其後效若黃次翁之爲潁川刑平訟
理俾庶民亡歎息愁苦之心而古今稱上理者卒
無以踰焉斯邇而三邑遠而六郡咸在公壽域之
中而人人思致其頌禱者乎公攝守而守至矣攝
四岳連帥而四岳連帥至矣矧徵黃之詔旦晚且
下其繇攝相而相也將登薄海外內于壽域猶之
乎三邑六郡也薄海內外又將擷南山之毛酌東
海之水稱萬年觴于堂下亦猶之乎三邑六郡也
今茲五十之年始基之矣

壽南洲徐太公七十序

閻史氏曰貪夫之殉財也猶流水之赴壑也自古
而然矣詎意到于今而有三拾遺金而三返之如
徐太公其人者乎又詎意當吾世而得秉鉛握槧
爲徐太公紀盛美乎太公占籍姑孰之當塗徙鳩
茲七歲而失恃九歲而失怙獨與紀綱之僕拮据
家政家計舉墜不恒其舉也公不色喜其墜也公

不色愠曰以吾客形寄大宅中不啻江海之有潮
汐矧區區阿堵寄而寄者哉公四十而舉仲子昭
質其三返遺金事則四十以往時事也昭質幼而
穎敏長而博覽載籍攻詞賦多佚宕豪舉氣又善
染翰作晉唐諸名家書畫所結納盡海內名士以
其餘力課家僮逐什一之息佐賓客費多奇中者
歲時伏臘奉卮酒爲太公母孺人壽太公頷之曰
孺子勉旃無以今日之適來而益乎汝真亡何賓
客中有橫羅無妾者而餘波及于昭質會昭質有

客在事畢力伸救而昭質竟以亾恙然鄉所居積
則化爲烏有矣昭質懼失太公心也歲時伏臘奉
卮酒壽兩尊人者如故太公頷之曰孺子勉旃無
以今日之適去而損乎汝真昭質退而後臥貼席
也今年甲辰中冬之望爲太公七十懸弧壽辰昭
質已自鳩茲徙白下奉太公杖屨在秦淮烟月間
矣昭質賓客若而人謀所以爲太公壽者因弱子
克家而徵言于余余躍然起曰以太公高誼掩白
日得爲執鞭所欣慕焉況秉鉛握槩爲太公紀盛

美乎蓋聞貪夫之嗜利也如渴而天之報施善人也如衡如渴者日割不足以奉有餘而如衡者日哀有餘以益不足昔箕疇之叙五福也一曰壽而次及于富富之不敵於壽舊矣今太公辭富者三則天必三錫之以壽其由耄耋而期頤也庸可既乎昭質翩翩雀起詞場是千秋之業也昭質之譽千秋而太公之譽亦千秋矣寧與世之競錐刀者較短長哉每憶曩在子舍時先學憲公與二三君子觀裴晉公傳奇一客曰晉公臨財不苟素行則然假令無帶可還將終于溝中瘠乎一客曰然司命之籍定之自天匪有顯跡可據其籍未易奪也余從傍贊曰固也彼遺帶者不在我先不在我後安知司命者無意於晉公而假此以奪其籍耶座客莫不稱善繇斯以譚則太公之三返遺金也有在乎遺金之先者矣

奉賀封少宰趙翁偕淑人雙壽序

代作

我二三兄弟之起家釋褐也則歲在嘉靖之乙丑云諸君子循故實修世講甫按籍而吾翁若翁之

誼蒸蒸篤也然其慶十僅二三難矣吉亭趙公亟
謂余曰家大人以明經舉澤官授邑學博士意悒
悒不自得輒棄去無日不橫一經而訓其與伯兄
晨夕肄之也母氏拮据女紅以佐諸費今某幸從
諸君子後伯兄尚在膠庠某竊赧赧然愧又怍怍
然思也余於是始知趙之有二尊人也其慶而賢
也隆慶辛未伯子見田公舉進士與吉亭公並持
論斧迭出察吏治得失輒得過家奉觴爲二尊人
然一時豔稱焉萬曆丁亥吉亭公晉位少宰封翁

如其官母稱淑人當斯時也翁年登八十淑人七
十有一同籍稱其慶者獨吉亭公與少司徒一齊
溫公兩人耳諸君子摛文薦幣西走秦以壽溫摛
文薦幣東走齊以壽翁與淑人而見田公方爲河
南觀察副使其同官同籍者亦摛文薦幣自河南
至又一時豔稱焉其難之難者乎越十三年爲今
萬曆己亥 詔起溫公於秦起趙公於齊分總兩
臺憲紀蓋異數也趙公旣至陪京與諸君子握手
問年曰人猶昔也而顛毛種種矣當斯時也翁年

九十有三淑人八十有四杖屨眠食無恙同籍稱
具慶者獨吉亭公一人耳諸君子將摛文薦幣東
走齊以壽翁與淑人又一時艷稱焉豈惟同籍難
之難也卽東西南北之區亦難之難已乃吉亭公
猶不憚於懷曰鄉者某自司寇乞歸以有二尊人
也今辭不獲命強而就列子職之謂何余曰忠孝
固所自盡如不能分身而兩何且公歸自司寇見
田公方秉鉞開府故公得專精壹意於二尊人之
甘毳而無虞於君公起自田間見田公又自開府
予告故公得專精壹意於風紀之總持而無虞於
親事故有不出于家而人推忠不越於位而人推
孝則以兩公之分形而同氣也諸君子曰善請錄
之以當吉亭公遙祝之詞

贈直指馬公歸壽兩尊人序

代作

歲壬辰直指馬公起家進士不佞二三兄弟辱在
同門獲修世講之誼知其尊人馬太公與某安人
賢行甚著蓋太公幼而穎慧一目數行俱下弱齡
補學官弟子輒爲執士蒿矢又以孝聞里中某安

人既歸太公勗之曰吾志在小宛之一章矣安人奉教惟謹鷄初鳴以迄丙夜一如內則無爽太公安焉太公居恒獵纓嘆曰丈夫墮地懸弧卽以四方爲事上者振珮巖廊坐而論道次則侍從金馬簪筆承明乘驄四出按墨吏豪猾而置之理次則提師百萬空幕南而封狼居胥次則宰一邑如斗大不下堂而四境弦歌不絕最下亦當擁程卓之貲上與王者同樂若理鉛槧而博一第猶掇之也久之竟困塲屋則擲筆而起曰日暮途遠乃公將

以曩之下策爲今上策矣安能以一側注桎梏我以老耶於是課臧而耕課獲而織某安人從閩內佐之亦鷄初鳴以迄丙夜如故太公既積著過當又能賑人之乏遞告而遞應之沾沾喜也久之五男皆已樹立太公偕安人坐堂上而命之曰禹卿果而毅吾授一編曰陰符文卿明卿秀而文吾授一編曰儒林傳漢卿鼎卿精而愿吾授一編曰貨殖遊俠傳孺子勉矣若王父母冥心內典一修西來淨業吾昉所未之敢忘自今孺子繼吾業吾與

若母繼若王父母業一切無所關白五男唯唯受教又久之直指公既成進士由庶常吉士擢侍御啣命巡關内外元戎以降無不負弩矢前驅再命行部百粵例得便道省觀則太公甫壽六十安人六十有三皆在上元之明日與行會乃詣二三同門兄弟而請曰吾何以壽二尊人哉不佞進曰子大夫日飽大官祿養豐矣披繡持斧彩衣絢矣惠徼綸綍天寵渥矣奚爲而不可壽哉直指公曰家尊人回向西方久耽疏縞願聞其再不佞進曰

伯兄奮身材官名動西塞武德彰矣二季鬪智趨時節俠著矣若也澄清嶺表叔子鳴琴華陰儒行修矣第長跪酌醴酬而獻曰孺子幸不辱教大人始願亦粗具矣至于玉鉉牙璋則二尊人之餘也天之命也非孺子之所敢望也願二尊人進觴二尊人方振衣出定而慰之曰禹也得吾之肉漢與鼎也得吾之貌明也得吾之骨文也得吾之髓吾其爲極樂國吾其爲無量壽

封承德公饒翁七十偕壽序

代作

鍾陵故屬豫章郡界在東表稱名邑云邑之東密
邇豫章衍沃相望巋然清峙玉立乎其間則鶴僊
峰在焉環聚於峰之麓者數十族而四姓著四姓
軒冕不乏而界罔饒氏著饒故多顯貴而尤著者
則今承德公父子兄弟云承德公受室於鄒是爲
鄒安人公下帷治經術安人勤織衽以佐膏火閭
以內琴瑟靜好雖離如也鄒安人故宜子一再而
得廷 廷升三四而得廷奎廷 五六而得廷駿
廷 英標互映風氣日上直逸太丘朗陵而追踪

元凱公遞進而授以經術纏纏乎其脫之口而無
違教也會之心而無逆志也承德公雖壯心不已
乎輒幡然改曰六子進而乾坤退位斯其時乎與
我躬自得之而一發無餘也無寧其積以有待乎
於是專精壹志訓諸子以經術一如其所以下帷
也者已而廷 名在諸生之籍而早世公弗憚久
之復自奮曰萬物出乎震而弗能齊也故春華先
落絲翼而坎離而艮兌則爲朱夏爲有秋我落其
實而取其材是在晚歲矧乾坤之子六而六子之

用不外五行一既往矣五將迭興是天之所開也
于是專精壹志訓諸子以經術一如其所以望始
也者已而乙酉鄉薦則廷舉焉戊子鄉薦則廷
升廷奎廷駿舉焉人曰一之爲難一舉而三物備
盛哉公之有子也已而奏對南宮則廷奎第以已
丑廷第以壬辰廷駿第以乙未遞布侯而遞穿
札猶掇之也且也廷以積學晚達廷以待年
需奮矢不虛發而冰有留良斯盛之盛者哉廷奎
官水部尚書郎廷官比部尚書郎廷駿則余所

得士今爲某部觀政進士于是三子之同籍者雁
行而造予曰承德公今年始老鄒安人明年及焉
廷奎旣以守尚書郎無害天子以一命命公曰
承德郎鄒曰安人冠服庸矣廷奎方銜使命過
里中而稱觴膝下願惠然先之以辭曰子聞如何
對曰揚州之域厥宿在斗其於人也爲龍爲光爲
引滿而酌桂漿公其得天者與予曰分野所屬是
列郡之所同也天道遠願徵近者對曰鶴仙之峰
美秀而文羽人蹁躑遨遊太清公其得地者與予

曰維峰之麓寔繁有族胡以公獨當之也茫茫堪輿願徵顯者對曰惟公和粹在宮雖雖以勗諸子協風春融旦日公坐堂上諸子晨起問起居櫛髮於斯講讀於斯飲且食於斯夜分而後卽子舍焉鄒安人坐闈中諸子婦晨起問起居治中饋於斯飲且食於斯夜分而後卽婦室焉諸子受餼鬻序或擁絳帳或就賓塾歸卽解橐裝於堂上持獻承德公諸子婦母家時有餽問必內之鄒安人所惟所啟篋命之率以爲常好合旣翁以順二人公家

有焉若其父義而訓子孝而勤則吾里中家絃而戶誦矣公其得人者與予矍然起曰有是哉一元肇氣純固敦龐蕩而爲二儀布而爲六氣鱗次而爲五行皆是物也天得其和則有天瑞地得其和則有地瑞人得其和則有人瑞天瑞則甘露慶雲是已瑞矣而弗能久也地瑞則萬禩之龜千齡之鶴是已久矣而弗適於用也人瑞則君家兄弟鱗次就列蔚爲國華兩尊人久視於家以觀厥成以永遐祉斯天地完粹之氣之所特鍾者乎今 聖

天子執契御寓六卿率屬和衷於下五氣順布萬國咸寧五氣不有歸之六子六子不有歸之二老二老不有歸之太和是黃虞成周熙皞之上理也予敢貪其功以爲調燮之效

悅履篇壽楊母徐安人五十

徐安人者刺史楊公之元配不佞弱子克家之外母也徐自孺子隱居豫章豫章遂有徐氏占籍豐城者最顯安人父鹽課君稱賢豪長者有人倫鑒識舉安人時有異徵母姜日授內則彤史宵則躬

課織悅刺履燒膏張張申旦安人奉訓益謹鹽課君愈益憐愛常欲奇此女與貴人刺史公甫髫鬢鹽課君一見大悅遂許安人歸焉安人歸楊時楊故巨閥富甲里中刺史公業稱髦士惟太公常領里中賦受計大司農許遑問家人生業安人聽雞夙興日治甘飲豐食爲刺史公餉暇則益操筐篋刀尺治悅履申旦如初以故刺史公無內顧益大肆力于六籍百氏家言聲譽日以章灼久之刺史公成進士累今官安人弁伊綦被霧縠稱命嬪

貴矣安人性簡靜澹泊雖金珠綺繡盈筥充篋哉
終歲不一再御卽韋素重澣弗厭也尤屈首女紅
恂恂若未貴時蓋楊之外內姻屬逮臧獲百輩無
弗佩安人悅而躡安人履者今年仲夏不佞戒兒
克家迎安人季女爲室百兩皆所自有勿論論安
人手澤蓋不佞外內姻屬逮一二臧獲無弗佩安
人悅而躡安人履者顧念安人子素貴安能爲吾
門婦乃安人子歸吾門無異安人歸楊時則姆教
先之矣間因師氏請於姑曰吾母徐安人以是月

念六日躡五十竊以婦事之間刺雙履藉之紛悅
願歸寧而獻之兒克家復請言以當乘韋予謂履
綦黼黻安人有之刀尺之末安人所餘也矧刺史
公以文章鳴中夏予安能以不腆之辭爲若曹藉
手雖然汝往矣第長跽請曰夫悅所以拭也拭式
也履所以履也履禮也禮以行之動爲楷式必正
必清悅履無廢安人之教也茲以安人設悅之晨
拜手進履且以昭無忘安人之明訓又長跽請曰
安人之生時當五月會須組續命之絲章施五色

爲悅爲履焜耀厥德萬有千歲眉壽無害願安人
舉案偕刺史公進觴

齊國陳太夫人七十序

余往薄遊留都則習齊王孫乾塢公云乾塢公軒
軒豪舉雅好賓客諸賓客無不願交乾塢公者越
三十年再入留都暇訪乾塢公則諸子若孫在爾
諸孫某某造余請曰王父乾塢公以好客聞則王
母陳太夫人寔尸饗焉太夫人拮据婦事者若而
年而不虞王父之見背也太夫人日勗先君子輩

亡忘迺父之業先君子輩事太夫人不啻嚴父大
夫人拮据母事者若而年而不虞先君子之見背
也先君子屬不肖輩於太夫人曰以是藐諸孤辱
在母氏母氏以鞠育我者而鞠育及之諸孤無父
而有父矣又屬太夫人於不肖輩曰爾父有母而
不及養責在後嗣爾曹以顧養我者而顧養所自
出太夫人無子而有子矣逮至於今太夫人春秋
日益高不肖輩狗馬之齒日益壯然太夫人以王
母而兼父道者罔所不極不肖輩不能以先君子

欲致一日者而致之太夫人其如太夫人何其如
先君子何今年九月爲太夫人七十初度之辰諸
父將飾簠簋潔樽壘且丐當世衿韋能文之士以
頌懿德而揚休美良亦勤矣不肖輩僅僅菽水胡
足奉驩然當世衿韋能文之士幸有明公在敢待
命下史余惟令伯陳情一表古今豔稱然令伯自
傷門祚衰薄又鮮伯叔兄弟之倚末年羈勒一官
報劉無日令人千載有餘憾焉諸君子系出天
潢鼎食豐腆可娛太夫人者一君家玉樹蘭蓀爭
芳競秀可娛太夫人者二我朝篤厚本枝不繁
以簿書期會無不遑將母之嘆可娛太夫人者三
矧是月也律中無射菊耀金華經霜彌茂昭晚節
也盈階冒徑象蕃碩也通神長壽神仙食也諸君
子酌以瑤觴泛以菊水獻之堂下太夫人欣然命
爵諸君子得無愉快乎哉

奉賀吳母丘恭人榮壽七袞序

代作

歲甲辰余鍵關虎林西湖之濱其臥游也未嘗不
在西蜀岷峨諸峰其神交也未嘗不嚮往于吳江

源先生云八月之望將適廣陵先一日先生奉母氏丘恭人以至偕友人蒲太古訪余邸中相與促膝而譚出世之業先生曰我來而夫子去也胡天靳我輩十日之遊哉余曰及余未去而夫子來也胡天假我輩一日之遇哉既抵廣陵輒登蜀崗西望又未嘗不如虎林之與先生促膝譚也今年仲春之十有二日太古忽持蔡生午葵手勒請曰江源先生尊人爲岷岳叅知公駁歷中外多善政其御檐帷以出也則如夫人與俱而恭人居守者什

九樛木之德宏矣及叅知公開香山之社於里中也則江源先生業舉澤宮御板輿奉恭人謁玄嶽禮普陀便道過金陵受復陽蕭君神丹秘術入白恭人曰孺子徼天之幸足以長奉萬年之觴於膝下區區一第惡用余畀哉請從此歸矣恭人色喜特甚是月旣望爲恭人七十設帨之辰蕭君謀所以爲壽曰非子大夫之言無當先生指者願以今日命筆余曰唯唯五行之屬莫壽于金金位于西方有金母得之以爲長生有金仙氏得之以爲

長卿集卷三
壽序
無量壽其爲卦也少陰之兌居西老陽之乾居西
北老陰之坤居西南故歷萬古常存而不朽也夫
恭人蜀產也稟秀蛾眉輝光女範有兌德之和說
焉其相參知公也恪共婦事有坤德之安貞焉其
子江源先生也昭賁母儀有坤德之直方焉恭人
旣貴且耄矣而南謁玄岳禮普陀其坤德之無疆
乎如是而善之積也有餘慶矣參知公乾德剛健
恭人柔順應之其得主而有常乎茲而先生奉萬
年觴以壽恭人又歸而奉萬年觴以壽參知公斯

不亦人子之愉快乎哉昔許太史之冲舉也留秘
術在石函記中而爲之讖曰吾仙去后一千二百
四十年間道當復振以其時考之距此八齡耳今
先生之所受於蕭君者無乃是乎太史故旌陽令
也旌陽邑在蜀中先生歸而奉觴之暇必將有遇
方且得太史之術拔宅上昇參知公與恭人俱仙
其亦金母之長生金仙氏之無量壽乎

封太孺人李母六十序

代作

姑孰司理李公閩產也佐郡而郡治攝邑而邑治

長卿集卷三
書序
捧臺使者檄周行六郡肅吏治屏豪猾甦冤獄則
又治更僕未能狀也越三載兩臺上最書於太宰
太宰上最書於闕下 聖天子賜璽書勞之且
及於所生於是厥考稱贈君太孺人有今稱矣太
孺人甘節質行具在璽書明年正月太孺人干支
始周同官郡大夫將旅進而修一觴薦之堂上有
成言矣屬邑大夫將旅進而修一觴薦之堂下徵
余不腆之言爲祝余謂司理公之攝邑也是爲衆
母太孺人其衆母母乎其佐郡周行六郡也是爲

衆大母太孺人其大母母乎大母母者壽母也觴
之烏可已乎粵稽彤史母慈而教厥有敬姜子孝
而養厥有考叔然敬姜能教而不能必子之若而
教考叔能徼一嚮之甘脆于母而不能有加於封
人之咫尺何論綸綍哉公少孤太孺人閭內攝闔
外提躬以勤儉課子以詩書公奉母訓凜凜爾家
人奉內則嗃嗃爾今公旣貴迎太孺人就養署中
太孺人秉家鑰如故衣縞茹淡如故公奉祿而外
毫不敢進之七著昔陶侃以蚶鮓進母氏却之今

蚶鮓不敢及公之門七著何有故公之廉無謝士
行而太孺人無謝陶母矣司理公日治爰書多所
平反則太孺人色喜異於他日若竟牘不出一人
則闔戶不進食故公之仁無謝雋不疑而太孺人
無謝雋母矣公旣以詩禮起家簿書餘地則吟誦
申旦必欲以當代作者自命太孺人輒喜時出苦
茗佐之故公之賢將繼孟氏有作太孺人亦繼孟
母作矣開歲設悅之晨司理公將率子婦爲春酒
以介壽日此孺子奉入之餘也又持一觴以介壽

日此同官郡大夫奉入之餘因孺子進者也又持
一觴以介壽日此邑大夫奉入之餘因孺子進者
也大孺人三醕而司理公喜可知也是月也 天
子大計羣吏覽公治狀日趣召入爲朕耳目爲朕
股肱太孺人又逐子安車北矣

贈劉將軍歸壽范太夫人序

今 國家旣用表餌羈縻北虜遂罷一切戰守盡
逐南人之在行間者閩人劉將軍亦在逐中落魄
都下與余二三兄弟過從殊密則知將軍甫三歲

而孤母范稱未亡人年才二十四耳范且操井臼
宵治績紡資將軍束脯膏火之費者十餘年而後
將軍乃得補諸生也方將軍爲諸生時視一第如
反手寧謂其以青衿十年淹也會蠻賊率衆攻永
安急將軍躍然奮曰吾不出如母氏丘隴何遂以
諸生應募擒斬之危遂解於是閩中士大夫無不
以文武才期將軍者已奉督撫檄先後數十餘戰
斬獲俘虜百計迺僅得將軍告身而不與於一命
之賞蓋當事者執令甲以難將軍曰若功雖多僅

山寇耳非有南斬倭北斬虜可以立取封拜者也
將軍躍然奮曰南斬倭北斬虜夫非盡人之子與
則杖策之浙事兵憲張公遇倭於海洋生擒者五
斬首者十四此一役也可以樹功名可以報母氏
矣會張公物故而貪功害能者竟以賄奪則杖策
之北平事兵憲葉公劾輕車製火器設桃林口四
戰艘以補長城之缺此一役也可以樹功名可以
報母氏矣會葉公遷腹裏而逐南人在行間者之
令下矣將軍乃困而語同志曰大丈夫不得志於

文又不得志於武。不得志於故鄉。又不得志於南。北用武之區。卽北走胡。南走越。豈難事哉。顧家世業儒。又有老母在。忠孝之謂何。吾寧藏器以待耳。去年虜酋敗盟。據兩川。犯四郡。海內人士扼腕。思奮將軍輒自喜曰。此吾黨立志之秋也。乃當事者出石畫曰。虜無他志。徒欲增金縉耳。吾何愛阿堵。而不以全取勝。且逐南人。我所爲政。柰何以小醜。故變乃公初志耶。于是劉將軍歸矣。歸之日。太夫人春秋七十有五。將軍曰。及吾身而得奉一觴於

階下。卽封侯之貴。不與易也。顧安所藉手。則不佞進曰。人以賄成爲富。我以不賄爲富。人以競勢爲貴。我以不競爲貴。人以輕棄君親爲捷。忠莫至焉。孝莫大焉。太夫人賢母也。以賢母而拊忠孝之子。何不愉且快哉。矧醜虜旣厭金縉。無復可恃。聖天子將拊髀而思曰。我思得南人而用之。則將軍又安得以一告身終事太夫人也。太夫人節行甚著。茲不盡述。蓋當六十時。憲大天毛公旌其闕曰。慈節云。

壽甘母吳太孺人序

代作

明嘉靖十年歲臨重光單闕吳太孺人寔降生焉
越萬曆十有九年歲駕復於厥位太孺人春秋六
十有一矣時冢嗣直指公既按全楚而告竣事謀
所以歸壽太孺人而弗敢宣也會有 詔持節按
江以北江以北距里居一葦耳而不敢觸取道之
禁乃自念一葦可航而不得奉萬年之觴於堂下
非孝也以一觴將母之故而觸方嚴之明禁非所
以守臣節而安母心也蓋益睢睢盱盱焉會 聖

天子廣錫類之孝從言官請沛然一新令甲曰人
臣奉使有親在而願歸省者聽歸省必以期直指
公既得遂其初願太孺人悅辰又在期中而後睢
睢盱盱者始釋也一時秉鉛握槩之士靡不騁妍
抽秘致其祝頌歌詠之詞洋洋纒纒至鉅麗矣則
有安肅廣文歐陽子者紹介詣余而請曰靖往司
訓信豐時則謁直指公於里居直指公接我意良
厚也亡何靖遘危疾直指公日數眎之不爲倦又
多所獎引以有今日猶嗟植慙慙不置靖不能自

致其報於直指公而思致祝頌歌詠之一言以效
之太孺人靖不能自致其言於太孺人而思惠徽
一言以附於祝頌歌詠之末子大夫其圖焉余惟
廣文秉鉛握槩者也胡不自言而使不佞越樽俎
而言之將謂不佞與直指公同里習聞太孺人之
內行乎直指公居恒言之矣太孺人出吳宦族蚤
失怙恃甫十餘歲卽歸文林公文林公貲故不程
中人產又性儻蕩不問家人生業太孺人日操作
女紅中饋食豕如食人家計百出一切倚辦太孺

人十指中以是文林公得畢力佔俾無內顧憂太
孺人事二尊人以孝聞遇臧獲時其食飲衣履有
微過輒不少貸旣舉直指公昆季兩人則晨夕督
之鄉學曰汝父下帷半生而屈於一第繼乃緒者
責在汝輩歲丁丑直指公釋褐令黟又令丹陽所
至輒治行高等秩滿得封文林公孺人如今稱明
年遂稱太孺人直指公又以前治行高等徵爲今
官乘驄四出按三關按全楚且按江以北太孺人
雖貴盛乎然猶食甘麤糲衣御浣濯卽一米一鹽

未嘗不戒暴殄嫺族里中諸嬭多感化者夫人生
不得所欲於父母則無以子太孺人惟無以子而
後迺成其所以爲婦也乎得君子而不盡得所欲
於君子則無以婦太孺人惟無以婦而後迺成其
所以爲母也乎得所欲於子而盡享其所已得者
於子則得將有盡太孺人惟無以享也而後迺益
凝其所未艾也乎太孺人享算未艾直指公鼎貴
亦未艾其所獎引嘘植人士如歐陽子不勝數則
四方人士之如歐陽子欲致其祝頌歌詠之一言
忘 聖天子錫類之至意乎

賀金母王太孺人節壽榮封序

今庚寅叅軍金仲子以考績高第得贈厥考如
官母王封太孺人太孺人五月十日壽八十與封
會仲子張 王言于堂上製翟冠錦帔緋袍銀帶
凡四事跪而獻之又從伯子總戎率諸孫太學生
輩稱觴於下數擊鮮合樂以謝客亦榮侈矣仲子

意猶不懌曰太孺人之歸我贈君也贈君業爲奏
記使者十九在道太孺人拮据婦事者二十年曰
庶幾以贈君貴乎乃贈君名在天官籍矣而不少
緩須臾以邀升斗祿也又拮据母儀者二十年而
伯子以獲醜功拜戶侯曰庶幾以伯子養乎乃伯
子仕有祿矣遠在邊徼不能輦太孺人而養宦邸
也又拮据母儀者十年而學古始以文無害試天
曹上等丞大邑曰庶幾迎養有日乎復自念邑丞
信親民然束於功令不得徼一命之榮以榮母氏

迎養直口體耳今之人貲補若職者爲吾母也乃
瓜期益迫母春秋益高而予心益怛怛營營焉逮
至今日而後喜可知也願丐名公一言以志不朽
余曰知臣莫如君無論余不文卽文矣安所加于

王言乎

勅曰明章婦職恪守閨彝言太孺人

內德之茂也又曰迪成嗣子宜荷殊休言太孺人
慈訓之光也又曰龍章錫寵鯁齒增榮言太孺人
晚遇之隆而壽算之愈亦無涯也卽文矣安所加
王言乎則有進而祝曰願太孺人善飯以需仲

子之晉秩且有後命也又願太孺人善飯以觀伯
子武功之成諸孫文試之捷且有後命也

壽叅知高公七十序

今上萬曆庚戌受所高公當杖於國先是一年
公方被簡命叅知楚藩政事清聲惠問交暢中
外主爵者將虛席九列用備獻乞之選公毅然投
劾引年歸矣歸卽潔除齋閣終日怡神其間卽令
子若孫玉立階下罔敢以家務請也無論雜賓矣
六月二日期屆縣弧公豫集家隸而申誠之曰乃

公壹修善息之業凡茲薦觴至者薦幣至者薦文
至者其善爲我辭焉於是門則如市堂則如水厥
有內戚二三君子造不佞鼎而謀曰吾曹辱在肺
附誼得直抵齋閣聞人其將若何且古者華封麥
丘之祝不徵言于作者而以口占伯子其圖焉不
佞曰唯唯鼎也不習修辭請陳所欲言而諸君子
擇焉公承家有學弱冠登朝筮仕禮曹會修

世廟實錄四夷賞格慶成大宴規儀一取裁于
公之鴻筆已而持憲節董學西粵一時號稱得士

此以敷文不朽者哉僉曰公文不銜奇懼無當也
不佞曰公敷歷藩臬於滇蜀楚粵之間雖席不暇
暖乎然剔姦布德所在輒多去思頃治兵岳陽法
得兼蒞維桑分寧選授訓練之令至今分寧奉若
著蔡此以展采不朽者哉僉曰公政不賈譽懼無
當也不佞曰朝氣競進暮氣戒得公守官膳部不
屑爲宰執簪花綬將解矣猶却賈豎數千金之苴
此以持正不朽者哉僉曰公正不忤物懼無當也
不佞曰公待次公車目擊時艱伏闕下陳事幾

千百言皆披逆鱗而置顯晦升沉於度外此以抒
忠不朽者哉僉曰公忠不沽直懼無當也不佞瞿
然避席曰四時之運過而不有爲而不宰而竊竊
然襲已陳之芻以登於俎鼎則陋矣公方修善息
之業請申善息之說以進可乎夫衛孔周之寶舍
光也匣之不盡其利故有餘利秦豆氏之馭渠黃
也策之不盡其力故有餘力公敷文展采持正抒
忠爲士林之所取盡而以貽之於公公用有所不
盡而以貽之令子若孫令子若孫將次第駿發不

啻公昆季翩翩而又軼其上焉公七箸日加百齡
未艾訢然樂觀厥成則善息之效睹矣僉曰允哉
請以是爲酌者先

夫此國之不盡其味姑育錫祿奉豆升之禮樂黃
之業請申善息之請以垂百平夫衛上周之寶合
然襲日刺之虞以登城殿鼎限國矣公亦新善息
然緝謂曰四却之戰豈而不育爲而不宰而壽壽
忠不泯昔姑僉曰公忠不古直對無當也不謂皇
千百言皆妙哉難而置醜辨長武外更妙也以此

書